



## Encurir ignivs da Pastgas

Lea Berther

Mesjamna avon Pastgas ha l'Uniun da dunnas Tujetsch envidau 12 affons ad'encurir ignivs da Pastgas a Cavorgia. Da bellezia aura primaverauna ha la tscherca digitala entschiet cugl agid d'in ipad (gie, era la lieur da Pastgas vegn pli moderna...) atras il vitg da Cavorgia.



Tgi che ha ussa il sentiment che Cavorgia seigi mo in pign vitget ed ils ignivs seigien stai d'anflar levamein, ha buca priu part a nossa tura e viu tgei aventuras ch'ei ha duvrau! Ei haveva num da sligiar differents pensums (ni sincer, tgi havesses saviu cons habitonts che stattan actualmeins egl uclaun da Cavorgia?), da leger cartas sco vers guides da muntogna ni d'anflar la via atras streglias, sur obstachels o ed atras la neiv.

Finalmeins ha mintga affon anflau siu igniv entuorn la caplutta. Leu han els lura era baghegiu atgnas lieurs da Pastgs orda neiv, propi pintgas ovras d'art!

**Uniun da dunnas Tujetsch**